

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA PILI

05 APRILI, 2017



ORODHA YA SHUGHULI ZA LEO

MKUTANO WA SABA

KIKAO CHA PILI – TAREHE 05 APRILI, 2017

I. DUA:

II. HATI ZA KUWASILISHA MEZANI:

WAZIRI MKUU:

Randama za Makadirio ya Mapato na Matumizi ya Ofisi ya Waziri Mkuu pamoja na Taasisi zilizo chini yake kwa Mwaka wa Fedha 2017/2018.

III. MASWALI:

OFISI YA RAIS (TAMISEMI):

10. MHESHIMIWA ANNA RICHARD LUPEMBE
(VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wilaya ya Mlele haina Hospitali ya Wilaya:-

Je, ni lini Serikali itajenga Hospitali ya Wilaya ya Mlele.

**11. MHESHIMIWA MARWA RYOBA CHACHA
(SERENGETI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Wilaya ya Serengeti ina Mbuga ya Wanyama ya Serengeti inayovutia watalii wengi duniani lakini inakabiliwa na uhaba wa maji:-

Je, ni lini ujenzi wa chujio na usambazaji wa maji kutoka Bwawa la Manchira kwenda Mamlaka ya Mji Mdogo wa Mugumu na Vijiji vya jirani utakamilika.

**12. MHESHIMIWA KEMIREMBE JULIUS LWOTA
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, Serikali ina mpango gani wa kuhakikisha miradi ya maji inayojengwa Wilayani Sengerema katika Halmashauri ya Wilaya ya Buchosa inakamilika haraka na kuwanufaisha Wananchi wa Buchosa hasa mradi wa maji wa Lumeya – Kalebezo na Nyegonge.

WIZARA YA NISHATI NA MADINI:

13. MHESHIMIWA MAFTAHA ABDALLAH NACHUMA (MTWARA MJINI):

Atamuuliza Mheshimiwa Waziri wa Nishati na Madini:- Gesi inayochakachuliwa Mtwara huweza kuzalisha viwanda vidogo vidogo ikiwemo mbolea; na kwa miaka mingi Wananchi wa Mtwara wamekosa fursa ya ajira ikilinganishwa na maeneo mengine ya Tanzania kama vile Arusha, Mwanza, Kilimanjaro n.k:-

Je, ni lini Serikali itasitisha usafirishaji wa gesi kutoka Mtwara kwenda Kinyerezi ili wana Mtwara waweze kunufaika na ajira zitokanazo na uchakachujaji wa gesi hiyo asilia kufanyika Mtwara na Serikali kujenga viwanda vitokanavyo na gesi hiyo Mtwara.



14. MHESHIMIWA KAPT (MST) GEORGE HURUMA MKUCHIKA (NEWALA MJINI):

Atamuuliza Mheshimiwa Waziri wa Nishati na Madini:- Serikali iliwaahidi Wananchi wa Mikoa ya Mtwara na Lindi umeme wa uhakika na wa kutosha hasa baada ya kugundulika kwa gesi lakini baada ya neema ya muda mfupi hivi sasa kuna tatizo kubwa la kukatikatika kwa umeme mara kwa mara katika Mikoa hiyo ikiwemo Wilaya ya Newala.

Je, tatizo ni nini na Serikali inachukua hatua gani kumaliza kabisa tatizo hilo.

WIZARA YA FEDHA NA MIPANGO:

15. MHESHIMIWA JAMAL KASSIM ALI (MAGOMENI):

Atamuuliza Mheshimiwa Waziri Fedha na Mipango:- Serikali ya Jamhuri ya Muungano wa Tanzania na Serikali ya Mapinduzi Zanzibar mwaka 2013 zilikubaliana kuwa kodi ya PAYEE kwa Wafanyakazi wa Serikali na Taasisi zote za SMT ambao wanafanyakazi Zanzibar kodi yao ya PAYEE ikusanywe na TRA - Zanzibar na kuiwasilisha kwa SMZ:-

Je, Serikali haioni kuwa ipo haja sasa kufanya hivyo kwa kampuni zote binafsi ambazo zina Matawi/Ofisi Zanzibar kulipia “Corporate Tax” ambayo kutokana na faida inayotokana na shughuli zao za biashara ndani ya Zanzibar ili kodi hiyo iende kusaidia masuala ya maendeleo kwa Wananchi wa Zanzibar.

WIZARA YA MAJI NA UMWAGILIAJI:

16. MHESHIMIWA RIDHIWANI JAKAYA KIKWETE (CHALINZE):

Atamuuliza Mheshimiwa Waziri wa Maji na Umwagiliaji:- Kwa kipindi kirefu Wananchi wa Halmashauri ya Chalinze wamekuwa katika sintofahamu juu ya lini mradi wa maji wa Wami-Chalinze utakamilika ili Wananchi hao waweze kupata maji safi kama walivyoahidiwa:-

- (a) Je, Serikali inaweza kueleza ni lini mradi huo utakamilika;
- (b) Kwa kuwa mradi huo umekuwa unakwenda taratibu sana; Je, tatizo lake ni nini.

17. MHESHIMIWA MAHMOUD HASSAN MGIMWA (MUFINDI KASKAZINI):

Atamuuliza Mheshimiwa Waziri wa Maji na Umwagiliaji:- Serikali imewekeza pesa nyingi sana katika mradi wa umwagiliaji uliopo katika Kijiji cha Ikweha Kata ya Ikweha, lakini unashindwa kuanza kwa kuwa Serikali imeshindwa kujenga bwawa:-

- (a) Je, ni lini mradi huo utakamilika ili kutoa ajira kwa Vijana walio wengi katika Kijiji cha Ikweha;

(b) Je, Serikali itawachukulia hatua gani Wakandarasi waliojenga Mradi huo chini ya kiwango.

WIZARA YA MALIASILI NA UTALII:

18. MHESHIMIWA MUSUKUMA JOSEPH KASHEKU (GEITA):

Atamuuliza Mheshimiwa Waziri wa Maliasili na Utalii:- Wakala wa Misitu – TFS – Geita wamehamisha vigingi vya mipaka ya misitu vilivyowekwa tangu mwaka 1974 na kuviweka katikati ya vijiji kwa kufuata ramani ya mwaka 1984, vijiji hivyo vina GN ya Serikali na vinatambuliwa, na hata Mh. Rais amezuia zoezi hilo lakini hakuna kilichofanyika hivyo kuwafanya Wananchi wa vijiji hivyo kuishi maisha ya mashaka:-

Je, Serikali inatoa kauli gani juu ya tatizo hilo.

**DODOMA
05 APRILI, 2017**

**DKT. T. D. KASHILILAH
KATIBU WA BUNGE**